



REPUBLIKA E SHQIPËRISË
MINISTRIA E ARSIMIT
DHE SPORTIT
MINISTRI

Nr. 6087 Prot.

Tiranë, më 19.08 2015

UDHËZIM

Nr. 27, datë 19.08.2015.

PËR

PROCEDURAT E PRANIMIT DHE TË REGJISTRIMIT NË RAUNDIN E PARË DHE TË DYTË TË KANDIDATËVE FITUES NË CIKLIN E PARË TË STUDIMEVE, NË PROGRAMET E STUDIMEVE JOUNIVERSITARE PROFESIONALE, SI DHE NË PROGRAMET E INTEGRUARA TË STUDIMEVE TË CIKLIT TË DYTË, ME KOHË TË PLOTË, NË INSTITUCIONET PUBLIKE TË ARSIMIT TË LARTË, PËR VITIN AKADEMIK 2015 - 2016

Në mbështetje, të nenit 102 të Kushtetutës, të neneve 26, 33, 35, 36 dhe 75 të Ligjit nr.9741, datë 21.05.2007 "Për arsimin e lartë në Republikën e Shqipërisë", i ndryshuar, Vendimit nr. 638, datë 22.07.2015, të Këshillit të Ministrave, "Për kuotat e pranimit në institucionet publike të arsimit të lartë, në programet e studimeve të ciklit të parë, në programet e studimeve jouniversitare profesionale dhe në programet e integruara të studimeve të ciklit të dytë, me kohë të plotë, si edhe tarifat e shkollimit për vitin akademik 2015 - 2016", Vendimit nr. 78, datë 08.02.2006 të Këshillit të Ministrave "Për krijimin e Maturës Shtetërore dhe pranimet në shkollat e larta publike", i ndryshuar, Vendimit nr. 1013, datë 10.12.2010 të Këshillit të Ministrave "Për Krijimin e Agjencisë Kombëtare të Provimeve (AKP)", Vendimit nr. 241, datë 31.3.2011, të Këshillit të Ministrave, "Për kryerjen, nga "Posta Shqiptare" Sh.a., të shërbimeve postare, financiare dhe shërbimeve të tjera, që janë në përputhje me veprimtarinë e kësaj poste, për institucionet e qeverisjes qendrore e vendore, institucionet e tjera publike",

UDHËZOJ:

I- Raundi i parë (aplikimi me formularin A2):

1. Pranimi i kandidatëve në ciklin e parë të studimeve në programet e studimeve jouniversitare, profesionale dhe në programet e integruara të studimeve të ciklit të dytë, me kohë të plotë, në Institucionet Publike të Arsimit të Lartë (IAL), në vitin akademik 2015-2016, të bëhet sipas listave emërore të renditura nga Agjencia

Kombëtare e Provimeve (AKP).

2. Kandidatët fitues përcaktohen nga AKP në bazë të dy parimeve:
 - a. Parimi i Meritës përcaktohet sipas pikëve të grumbulluara në bazë të rezultateve të shkollës së mesme, të provimeve të Maturës Shtetërore (nota mesatare e viteve të shkollimit dhe gjithë provimet e Maturës Shtetërore), dhe, për disa programe studimi, edhe të rezultateve të konkursit të zhvilluar në bazë të Udhëzimit nr. 24, datë 31.07.2015, të Ministrisë të Arsimit dhe Sportit "Për zhvillimin e konkurseve të pranimit dhe tarifën e regjistrimit për konkurrim, në disa programe studimi të ciklit të parë me kohë të plotë, në institucionet publike të arsimit të lartë, për vitin akademik 2015- 2016".
 - b. Parimi i Preferencës përcaktohet nga vullneti i kandidatëve, i shprehur përmes preferencës më të lartë të grupit të preferencave fituese, ndër jo më shumë se 10 preferencave të përzgjedhura nga ata vetë në formularin A2.
3. Pas përfundimit të konkurseve në të gjitha IAL-të që ofrojnë programe studimi për të cilat është parashikuar të zhvillohet konkurs për pranimin e kandidatëve, rezultatet e tyre në formë shkresore dhe elektronike të dorëzohen, nga këto të fundit, në AKP brenda orës 14.00 të datës 31 Gusht 2015. Deri më datë 29 Gusht 2015 personat përgjegjës të ngarkuar nga dekanët e fakulteteve që kanë programe studimi me konkurs, hedhin në sistemin informatik rezultatet e konkurseve duke përdorur për logimin në sistem kredencialet (Username dhe Password) të dërguara më parë nga AKP.
4. AKP brenda orës 11.00 të datës 03 Shtator 2015 të dërgojë në Ministrinë e Arsimit dhe Sportit (MAS) listat paraprake të kandidatëve fitues, të ndarë sipas programeve të studimit përkatës, të renditur sipas rendit zbritës të pikëve dhe të preferencës më të lartë fituese të kërkuar prej tyre në Formularin A2, në përputhje me kuotat e pranimeve të miratuara me Vendimin nr. 638, datë 22.07.2015, të Këshillit të Ministrave, "Për kuotat e pranimit në institucionet publike të arsimit të lartë, në programet e studimeve të ciklit të parë, në programet e studimeve jouniversitare profesionale dhe në programet e integruara të studimeve të ciklit të dytë, me kohë të plotë, si edhe tarifën e shkollimit për vitin akademik 2015 - 2016".
5. Listat paraprake të kandidatëve fitues, shpallen në faqen zyrtare elektronike të MAS dhe AKP. AKP ia dërgon listat në format elektronik me postë elektronike njësisive arsimore vendore (Drejtorive Arsimore Rajonale/Zyrave Arsimore (DAR/ZA), brenda datës 03 Shtator 2015. DAR/ZA-të printojnë dhe afishojnë listat në vende të dukshme në mjediset e shkollave të mesme që kanë në varësi brenda datës 04 Shtator 2015.
6. IAL-të publike tërheqin listat, në formë të shkruar dhe elektronike, në AKP nga ora 11.00 deri në orën 13.00 të datës 04 Shtator 2015. Rektoratet dhe dekanatet, brenda datës 04 Shtator 2015, të shpallin në mënyrë të qartë dhe në vende të dukshme, në

mjediset e fakulteteve përkatëse listat paraprake të fituesve, datat dhe oraret e veprimeve të regjistrimit on-line nga sekretaritetë mësimore, procedurat përkatëse, listën e dokumenteve plotësues si dhe njoftime të tjera të nevojshme. Këto njoftime të publikohen edhe në median e shkruar dhe elektronike nga IAL-të publike.

7. Për organizimin dhe realizimin e procesit të pranimit dhe të regjistrimit të kandidatëve në ciklin e parë të studimeve me kohë të plotë ngarkohen AKP dhe sekretaritetë mësimore të IAL-ve publike. Ky proces do të jetë nën monitorimin e AKP-së dhe të MAS.
8. Kandidatët fitues në listat paraprake, kanë të drejtë të bëjnë dy zgjedhje në momentin e regjistrimit on-line:
 - a. të konfirmojnë dhe kryejnë regjistrimin përfundimtar në preferencën e fituar në listat paraprake të shpallura, duke ndërprerë konkurrimin;
 - b. të vazhdojnë konkurrimin për të fituar një preferencë më të lartë duke bërë zgjedhjen përkatëse gjatë procedurave të regjistrimit on-line. Këta kandidatë, së bashku me kandidatët që nuk janë shpallur fitues në listat paraprake, konkurrojnë për vendet e mbetura bosh të kandidatëve fitues të cilët nuk kanë kryer regjistrimin on-line.
9. Kandidati fitues në listat paraprake, për t'u regjistruar dhe ndjekur më pas studimet në programin përkatës të studimit në IAL, ndjek procedurat e parashikuara në dy etaprat e mëposhtme:
 - Procedurat e regjistrimit on-line (vetëm për fituesit në listat paraprake);
 - Procedurat e regjistrimit me dokumentacion pranë sekretarive të IAL-ve publike ku janë shpallur fitues me listën përfundimtare (për të gjithë kandidatët e shpallur fitues në listën përfundimtare). Vetëm pas përfundimit të kësaj procedure brenda afateve të parashikuara në këtë udhëzim, kandidati do të rezultojë i regjistruar në programin e studimit ku ishte shpallur fitues në listat paraprake.
10. Procedurat e regjistrimit online:
 - 10.1 Kandidati i shpallur fitues ndjek procedurën e regjistrimit on-line në programin e studimit që ka fituar, në portalin e Maturës Shtetërore, sipas procedurës së mëposhtme:

Regjistrimi on-line kryhet në cilindo kompjuter që ka akses interneti (sipas procedurave të përshkruara në Shtojcën nr. 1, bashkëlidhur këtij udhëzimi), nga data 04 Shtator 2015 deri në orën 24:00 të datës 09 Shtator 2015, për të bërë zgjedhjen sipas germës "a" dhe "b" të pikës 8 të këtij udhëzimi.
 - 10.2 Kur kandidati nuk arrin të realizojë procedurën e regjistrimit on-line sipas pikës 10.1 të këtij udhëzimi, ai duhet të paraqitet pranë sekretarisë mësimore të fakultetit ku është shpallur fitues, e cila do të kryejë procedurën e regjistrimit on-line të kandidatit.

- a. Regjistrimi on-line pranë sekretarive mësimore bëhet sipas procedurave të përshkruara në Shtojcën nr. 2, bashkëlidhur këtij udhëzimi, nga data 04 Shtator 2015 deri më datë 09 Shtator 2015, nga ora 08:00, deri në orën 18:00.
- b. Kandidati që paraqitet për të kryer regjistrimin on-line pranë sekretarisë mësimore, duhet të paraqesë vetëm një dokument identifikimi (kartë identiteti ose pasaportë). Në dosjen e sekretarisë mësimore mbahet fotokopja e dokumentit të identifikimit.
- c. Gjatë kryerjes së procedurës së regjistrimit on-line, sekretaritë mësimore të fakulteteve duhet të mbajnë detyrimisht një regjistër të veçantë, në të cilin kandidati fitues dhe sekretarja nënshkruajnë në momentin e regjistrimit duke shënuar datën dhe orën e regjistrimit.
- d. Studentët, të cilët procedojnë sipas germës "a" të pikës 8 të këtij udhëzimi, nënshkruajnë një deklaratë në sekretarinë mësimore, sipas modelit në Shtojcën nr. 3, bashkëlidhur këtij udhëzimi. Sekretaria mësimore pajis menjëherë kandidatët me fletëregjistrimin në preferencën e përzgjedhur, ku shënohet numri i regjistrimit, emri i kandidatit, si edhe data dhe ora e regjistrimit. Fleta e regjistrimit e vulosur duhet të jetë e nënshkruar nga dekani dhe kryesekretarja mësimore e fakultetit.
- e. Kandidati fitues, firmos së bashku me sekretaren në listën e konfirmimit të regjistrimeve të kandidatëve fitues të listës paraprake. Në përfundim, çdo fletë firmoset dhe vuloset nga dekani. Në fletët e regjistrimit dhe në regjistrat e konfirmimit duhet të paraqiten data dhe ora e regjistrimit.
- f. Kopje të deklaratave të kandidatëve fitues si dhe lista origjinale e fituesve të regjistruar pranë sekretarive mësimore, të parashikuara përkatësisht në gerrat "d" dhe "e" të pikës 10.2 të këtij udhëzimi, dërgohen nga IAL-të në AKP, brenda orës 14:00, të datës 10 Shtator 2015, në formë shkresore dhe elektronike, sipas formatit të përgatitur nga AKP.

10.3 Kandidatët, të cilët nuk kryejnë regjistrimin paraprak (on-line, ose në sekretaritë mësimore) brenda datave të përcaktuara në këtë udhëzim, për çfarëdo lloj arsye, humbasin të drejtën e regjistrimit dhe të vazhdimit të procesit. Këta kandidatë nuk do të përfshihen në listën përfundimtare të fituesve.

11. AKP shpall, brenda datës 14 shtator 2015, listën përfundimtare të kandidatëve fitues. Lista shpallet edhe në faqen zyrtare elektronike të MAS dhe AKP. IAL-të publike tërheqin listat, në formë të shkruar dhe elektronike, në AKP nga ora 12.00 deri në orën 14.00 të datës 14 shtator 2015. IAL-të dhe DAR/ZA-të shpallin në vende të dukshme listat përfundimtare brenda datës 14 shtator 2015.
12. Procedurat e regjistrimit me dokumentacion pranë sekretarive të IAL-ve publike ku janë shpallur fitues të jenë si më poshtë:

12.1 Sekretaritetë mësimore të fakulteteve nga data 15 Shtator 2015 deri më 19 Shtator 2015, të pranojnë dokumentacionin plotësues për të gjithë kandidatet fitues. Kandidatët dorëzojnë personalisht dokumentacionin plotësues të mëposhtëm:

- a. Dokumentin e identifikimit (kartë identiteti ose pasaportë). Në dosje mbahet vetëm fotokopja e një prej dokumenteve të identifikimit, (e panoterizuar);
- b. 2 fotografi personale;
- c. Mandat arkëtimi i tarifës së regjistrimit prej 1.600 lekë, paguar pranë zyrave të Postës Shqiptare apo bankave të nivelit të dytë, për llogari të IAL-së përkatëse;
- d. Deklaratën e paraqitur në Shtojcën nr. 4, e cila plotësohet dhe firmoset nga kandidati në prani të punonjësës së sekretarisë mësimore dhe kundërfirmoset nga kjo e fundit.

12.2 Gjatë kryerjes së procedurës së dorëzimit të dokumentacionit plotësues, sekretaritetë mësimore të fakulteteve mbajnë regjistër të veçantë me të dhënat mbi datën dhe orën e dorëzimit, si dhe nënshkrimin e kandidatëve fitues dhe të sekretarisë mësimore. Sekretaritetë mësimore kryejnë regjistrimin on-line të kandidatëve që kanë dorëzuar dokumentacionin plotësues, brenda orës 19.00 të datës 19.09.2015.

13. Institucionet Publike të Arsimit të Lartë të dorëzojnë në AKP në formë shkresore dhe elektronike brenda orës 10.00 të datës 21 shtator 2015 listat përfundimtare të studentëve të regjistruar, për çdo program studimi, të ciklit të parë me kohë të plotë, sipas Udhëzimit Nr. 45, datë 19. 12.2011 "Për gjenerimin dhe dhënien e numrave të matrikullimit" i ndryshuar, në formë shkresore dhe elektronike, si dhe deklaratën sipas germës "d" të pikës 12.1 të këtij udhëzimi.

II- Raundi i dytë (aplikimi me formularin A3):

14. Regjistrimin në Institucionet Publike të Arsimit të Lartë (IPAL), në ciklin e parë të studimeve me kohë të plotë, në programet e studimeve jouniversitare, profesionale dhe në programet e integruara të studimeve të ciklit të dytë për vitin akademik 2015-2016, sipas programeve përkatëse të studimit, maturantët/kandidatët që shpallen fitues nga rishpërndarja e kuotave të parealizuara, pas përfundimit të raundit të parë.

15. Maturantët/kandidatët **do të aplikojnë on-line** vetëm për programet e studimit dhe kuotat e shpallura nga Ministria e Arsimit dhe Sportit në formularin A3 prej datës **24.09.2015**, ora 09:00 deri **28.09.2015** ora 24:00. Maturantët/kandidatët që nuk kanë plotësuar formularin A2, përpara se të bëjnë përzgjedhjen e preferencave me anën e formularit A3, duhet të bëjnë pagesën prej 1.600 lekësh në një nga zyrat e Postës Shqiptare apo bankave të nivelit të dytë (formulari për arkëtim gjendet në faqen zyrtare të AKP) dhe me mandat pagesën e kryer duhet të paraqiten në shkollën ku kanë kryer aplikimin me formularin A1Z për të hedhur në sistemin informatik

(Portalin e Maturës Shtetërore) notën mesatare. Në rast të moskryesrjes së procedurës së sipërcituar, për hedhjen e notës mesatare, sistemi informatik i Maturës Shtetërore nuk lejon aplikimin e kandidatëve me formularin A3.

Aplikimi on-line kryhet sipas procedurave të parashikuara në përcaktimet teknike të AKP-së që do të publikohen në faqet elektronike zyrtare të Ministrisë së Arsimit dhe Sportit (MAS): www.arsimi.gov.al dhe Agjencisë Kombëtare të Provimeve (AKP-së): www.akp.gov.al.

16. Klasifikimi i kandidatëve fitues në programe të ndryshme studimi, të ofruara nga institucionet publike të arsimit të lartë në raundin e dytë (formulari A3), bëhet në mënyrë të informatizuar, duke u mbështetur në pikët e grumbulluara në bazë të rezultateve të shkollës së mesme, të provimeve të Maturës Shtetërore, ndërsa për programet e veçanta të studimit të parashikuara me konkurs edhe të rezultateve të konkursit të zhvilluar (për programe të caktuara studimi) (merita), si dhe të përzgjedhjes së programeve të studimit (preferenca), të bërë nga vetë kandidati/ja.

17. Kanë të drejtë të konkurrojnë në raundin e dytë të pranimeve:

17.1. Maturantët/kandidatë që nuk kanë konkurruar më parë me formularin A2, por që në këtë raund do të konkurrojnë për herë të parë me formularin A3. Në këtë grup përfshihen kandidatët që:

a) kanë rezultuar kalues në provimet e Maturës Shtetërore, sesioni i parë, por nuk kanë plotësuar formularin A2;

b) kanë rezultuar kalues në provimet e Maturës Shtetërore, në sesionin e vjeshtës 2015;

c) kanë përfunduar arsimin e mesëm jashtë vendit dhe, mbi bazën e ekuivalentimit të rezultateve të shkollës së mesme, kanë fituar të drejtën të aplikojnë për vazhdimin e studimeve universitare të ciklit të parë në IAL-të publike në Republikën e Shqipërisë. Nga kandidatët e kategorive të sipërcituara, mund të aplikojnë në këtë raund, vetëm kandidatët që kanë plotësuar formularin A1Z në sesionin e dytë të Maturës Shtetërore 2015.

17.2 Maturantët /kandidatët që kanë konkurruar në raundin e parë me formularin A2 (fitues ose jo dhe të regjistruar ose jo) dhe dëshirojnë të vazhdojnë garën për të qenë fitues ose për të kaluar në një preferencë më të lartë, duke ruajtur renditjen e preferencave të formularit A2 të plotësuar në raundin e parë, nuk plotësojnë formular të ri, por vetëm shprehin vullnetin të vazhdojnë konkurrimin on-line. Nëse në përfundim, maturanti/kandidati që është shpallur fitues në raundin e parë, nuk arrin të klasifikohet në një preferencë më të lartë, mbetet fitues në programin ku është regjistruar dhe vijon studimet e ciklit të parë.

Përfshihen nga konkurrimi në raundin e dytë, maturantët /kandidatët:

a) fitues në preferencën e parë të shprehur në formularin A2 dhe që janë

regjistruar në atë program studimi në raundin e parë të pranimeve me dokumentacion;

b) fitues që kanë konfirmuar regjistrimin përfundimtar në preferencën e shpallur në fazën e parë të A2, nëpërmjet regjistrimit on-line, dhe që janë të regjistruar me dokumentacion në atë program studimi në raundin e parë të pranimeve në ciklin e parë të studimeve me kohë të plotë, në programet e studimeve jouniversitare, profesionale dhe në programet e integruara të studimeve të ciklit të dytë.

18. AKP të shpallë listën e fituesve të raundit të dytë, më datën **05.10.2015**, të ndarë sipas programeve përkatëse të studimit, në përputhje me kuotat e rishpërndara nga MAS.

Lista e kandidatëve fitues (raundi i dytë) publikohet në faqet elektronike zyrtare të MAS dhe AKP më datë **05.10.2015**.

19. AKP i dërgon IAL-ve publike, listat e kandidatëve fitues në formë shkresore, brenda datës **05.10.2015**. Këto institucione, duke filluar nga kjo datë, t'i publikojnë listat në vende të dukshme në mjediset e fakulteteve përkatëse.

20. Sekretaritetë mësimore të fakulteteve në datat **05.10.2015 deri 09.10.2015**, të pranojnë dokumentacionin për të gjithë kandidatët fitues. Kandidatët paraqesin dokumentacionin e mëposhtëm:

a) Dokument identifikimi (kartë identiteti ose pasaportë). Në dosje mbahet vetëm fotokopja e një prej dokumenteve;

b) 2 fotografi;

c) Mandat arkëtimi i tarifës së regjistrimit prej 1.600 lekë, paguar pranë zyrave të Postës Shqiptare ose bankave të nivelit të dytë për llogari të IALP-ve përkatëse, nga të gjithë kandidatët e shpallur fitues në këtë raund.

d) Deklaratën e paraqitur në Shtojcën nr.4, e cila plotësohet dhe firmoset nga kandidati në prani të punonjësës së sekretarisë mësimore dhe kundërfirmoset nga kjo e fundit.

Sekretaritetë mësimore të fakulteteve mbajnë regjistër të veçantë për dorëzimin e dokumentacionit me të dhënat mbi datën dhe orën e dorëzimit, si dhe nënshkrimin e kandidatëve fitues (në formatin e dërguar nga AKP) dhe konfirmojnë në portalin matura.akp.gov.al dorëzimin e dokumentacionit. Regjistri i veçantë, i firmosur dhe vulosur nga titullari i IAL-së publike/i fakultetit që kryen regjistrimin dhe nga kryesekretari mësimor, dërgohet në AKP brenda datës 14 tetor 2015, për raundin e dytë.

21. Sekretaria mësimore pajis kandidatin me fletë - regjistrimi ku shënohet numri i regjistrimit, emri i kandidatit, si edhe data dhe ora e regjistrimit. Fletë-regjistrimi i vulosur duhet të jetë i nënshkruar nga dekani dhe kryesekretarja mësimore e fakultetit.

22. IAL-të publike të dorëzojnë në AKP në formë shkresore dhe elektronike brenda datës 21 tetor 2015 listat përfundimtare të studentëve të regjistruar në raundin e parë dhe të dytë, për çdo program studimi, të ciklit të parë me kohë të plotë, sipas Udhëzimit Nr. 45, datë 19.12.2011 "Për gjenerimin dhe dhënien e numrave të matrikullimit" i ndryshuar, në formë shkresore dhe elektronike, si dhe deklaratën sipas germës "d" të pikës 19 të këtij udhëzimi. AKP dërgon IALP-ve brenda datës 23.11.2015, numrat individualë të regjistrimit (matrikullimit) të studentëve të regjistruar.

III- Zbatimi dhe hyrja në fuqi

23. Kandidatët e shpallur fitues në programet e studimit me kohë të plotë *nuk mund të regjistrohen për të ndjekur njëkohësisht studimet në dy programe studimi në IAL publike dhe/ose private.*
24. IAL-të të përpilojnë një raport të hollësishëm në lidhje me regjistrimet e studentëve në afatet dhe formatet e kërkuara sipas udhëzimit nr. 9, datë 25.02.2010 "Për mbledhjen, përpunimin dhe raportimin e të dhënave statistikore". Ky raport dërgohet në MAS brenda datës 14 nëntor 2015.
25. Pranimi i kandidatëve për një program të dytë studimi dhe transferimet e studimeve në institucionet publike të arsimit të lartë, të kryhen sipas kriterëve të përcaktuara me akt të veçantë.
26. Ngarkohen Sekretari i Përgjithshëm, Drejtorja e Arsimit të Lartë dhe Shkencës, në Ministrinë e Arsimit dhe Sportit, Agjencia Kombëtare e Provimeve, DAR/ZA-të, si dhe IAL-të publike, për zbatimin e këtij Udhëzimi.

Ky udhëzim hyn në fuqi menjëherë dhe botohet në "Fletoren Zyrtare".

LINDITA NIKOLLA



MINISTËR



Shtojca nr. 1

Udhëzues për regjistrimin paraprak on-line nga kandidatët fitues

1. Për të kryer regjistrimin online duhet të shkoni tek linku: <http://matura.akp.gov.al>;
2. Te faja e hapur do të keni pamjen e mëposhtme:



3. Këtu duhet të klikoni te butoni : **“Regjistrohu në programin e studimit”** dhe do t’ju shfaqet pamja e mëposhtme:

The registration form contains the following fields and a button:

- ID e Maturantit:
- Emri:
- Atësia:
- Mbiemri:
- Karte Identiteti - Shembull:
- Email i Maturantit:
- Identifikohu:

4. Te fushat e shfaqura duhet të plotësohen me kujdes të dhënat e kërkuara. Në fushën **“Kartë Identiteti”** duhet të vendoset **numri personal** (kliko mbi fjalën shembull dhe do të shfaqet një kartë identiteti ilustruese). Numri personal, i kornizuar si më poshtë, gjendet në pjesën e poshtme, djathtas saj).

ID e Maturantit	<input type="text"/>
Emri	<input type="text"/>
Atësia	<input type="text"/>
Mbiemri	<input type="text"/>
Karte Identiteti - Shembull	<input type="text"/>
Email i Maturantit	<input type="text"/>
	<input type="button" value="Identifikohu"/>



- Duhet bërë kujdes që të plotësohen të gjithat fushat dhe informacioni në to të jetë i saktë. Pas plotësimit klikoni te butoni: “**Identifikohu**”.
- Nëse të dhënat tuaja nuk janë të sakta do të shfaqet mesazhi i mëposhtëm:

Te dhenat qe futet jane te pasakta. Saktësoni te dhenat ose paraqituni per regjistrim prane sekretarise se fakultetit perkates.

Kjo do të thotë se për të bërë regjistrimin e fazës së parë ju duhet të paraqiteni detyrimisht pranë sekretarisë mësimore të Fakultetit në Universitetin ku jeni shpallur fitues me dokumentin tuaj personal të identifikimit.

- Nëse të dhënat tuaja janë të sakta do të vazhdoni procedurat e regjistrimit on-line sipas hapave të mëposhtme. Dritarja e mëposhtme shfaqet në ekran.

Emri	Ermirela	Vendlindja	DURRËS
Atësia	Hasan	Shkolla e Mesme	(526) BESNIK HIDRI, DURRËS
Mbiemri	Kota	Profili	GJIMNAZI 2012
Gjinia	Femër		
Datelindja	27/06/1993		

Preferenca ne te cilen jeni shpallur fitues:

Universiteti:	UNIVERSITETI I TIRANËS
Fakulteti:	FAKULTETI I GJUHËVE TË HUAJA
Programi i studimit:	Gjuhë Gjermane
Preferenca:	8
Piket:	8700

Informacionet e mësipërme do të jenë të dhënat tuaja personale, të cilat plotësohen automatikisht nga sistemi pas konsultimit me bazën e të dhënave.

8. Për t'u regjistruar në programin e studimit, në fazën e parë, duhet të klikoni butonin: **“Regjistrohu”**.

Pasi klikoni te ky buton, në adresën tuaj të email-it do t'ju dërgohet një mesazh konfirmues, i cili ju njofton se jeni regjistruar tek programi i studimit në të cilin jeni shpallur fitues. Më pas do t'ju shfaqet pamja e mëposhtme:

Regjistrimi u krye me sukses

Do te vazhdoni konkurimin per preferencat me ta larta, apo konfirmoni regjistrimin perfundimtar ne preferencen e fituar?

Vazhdoj konkurimin per nje preference me te larte Konfirmoj regjistrimin perfundimtar ne preferencen e fituar

Dil nga faqja

Preferenca	Program Studimi	Piket
1	Gjuhë Spanjolle	1,500.00
2	Gjuhë Ruse	2,500.00
3	Menaxhim Hotel Restorant	3,500.00
4	Financë – Kontabilitet	4,500.00
5	Gjuhë Angleze	5,500.00
6	Administrim - Biznes	6,500.00
7	Inxhinieri Agrare - Agromekanizim	7,500.00
8	Gjuhë Gjermane	8,700.00
9	Gjuhë Frënge	9,500.00
10	Shkencat e Lëvizjes	8,800.00

9. Nëse jeni shpallur fitues te një preferencë e ndryshme nga preferenca e parë dhe dëshironi të regjistroheni në mënyrë përfundimtare aty, pra të mos vazhdoni konkurrimin për një preferencë më të lartë, duhet të zgjidhni (klikoni) opsionin: **“Konfirmoj regjistrimin përfundimtar në preferencën e fituar”** dhe më pas të klikoni tek butoni: **“Ruaj”**.
10. Nëse doni të vazhdoni konkurrimin për preferencat më të larta zgjidhni (klikoni) opsionin: **“Vazhdoj konkurrimin për një preferencë më të lartë”** dhe klikoni butonin: **“Ruaj”**
Pasi të klikoni te butoni **“Ruaj”** do t'ju shfaqet mesazhi **“Veprimi u krye me sukses”** dhe pas kësaj mund të dilni nga faqja dhe të mbyllni browserin e internetit.
11. Sjellim në vëmendje se veprimi i regjistrimit on-line lejohet të kryhet vetëm njëherë.

Shtojca nr. 2

Udhëzues për regjistrimin online të fituesve në mjediset e sekretarive mësimore të fakulteteve


Për regjistrimin on-line të kandidatëve fituesve, në sekretaritë mësimore të fakulteteve, ndiqen procedurat e mëposhtme:

1. Sekretarja hap njërin nga shfletuesit e internetit (Windows Internet Explorer, Mozilla Firefox, Google Chrome) dhe lidhet me Portalin e Maturës Shtetërore nëpërmjet adresës: <http://matura.akp.gov.al>. Pas këtij veprimi shfaqet faqja kryesore e portalit të Maturës Shtetërore me pamjen e mëposhtme:



Ky portal do të jetë i aktivizuar për regjistrimet në sekretari më datë 9 Shtator 2015.


2. Klikoni mbi butonin "Identifikohu" në pjesën e sipërme majtas të ekranit. Pas kësaj do t'ju shfaqet në ekran dritarja e mëposhtme:




3. Sekretarja duhet të logohet në sistem me **ID** (username) dhe **Fjalëkalimin** (password) të programit të studimit, në të cilin është shpallur fitues maturanti/kandidati që paraqitet për regjistrim. ID dhe fjalëkalimi, për çdo program studimi, do të tërhiqen nga institucionet publike të arsimit të lartë në AKP së bashku me lista e fituesve.

Në shembullin e mëposhtëm do të përdorim **ID** UT.001 dhe **Fjalëkalimi** ut123456 (që në këtë shembull i përket programit të studimit **Histori**).


Kujdes: Këto kredenciale duhen shkruar saktë dhe me karaktere të mëdha ose të vogla, sic janë dërguar nga AKP. Nëse bëhet ndonjë gabim në plotësimin e këtyre fushave, sistemi përgjigjet me mesazhin “Identifikimi nuk u krye. Provojeni perseri”



4. Pasi të klikoni tek butoni “Hyr” shfaqet dritarja e mëposhtme:



5. Shkoni tek link-et **Fakultete** → **Fituesit** siç tregohet në pamjen e mëposhtme:



6. Pas klikimit të link-ut **Fituesit**, shfaqet dritarja e mëposhtme me listën e fituesve në programin përkatës të studimit (në shembullin e mësipërm, programi i studimit Histori):

Faza	ID	Emri	Atësia	Mbiemri	Universiteti	Fakulteti	Program Studimi	Prioriteti	
Raundi 1 - Faza 2	110504100040	ADMIR	SHKËLQIM	QERIMI	UNIVERSITETI I TIRANËS	FAKULTETI HISTORI - FILOLOGJI	Histori	5	Regjistruar
Raundi 1 - Faza 2	111114200085	AIDA	PERPARIM	CAUSHI	UNIVERSITETI I TIRANËS	FAKULTETI HISTORI - FILOLOGJI	Histori	9	Regjistruar
Raundi 1 - Faza 1	111113500284	ANDI	ABAS	ÇIMO	UNIVERSITETI I TIRANËS	FAKULTETI HISTORI - FILOLOGJI	Histori	1	Regjistruar
Raundi 1 - Faza 1	111939800075	ANIDA	RAMAZAN	HAJDARI	UNIVERSITETI I TIRANËS	FAKULTETI HISTORI - FILOLOGJI	Histori	1	Regjistruar
Raundi 1 - Faza 2	111113500189	ANXHELA	SHKËLQIM	MEÇE	UNIVERSITETI I TIRANËS	FAKULTETI HISTORI - FILOLOGJI	Histori	2	Regjistruar
Raundi 1 - Faza 1	111936300177	ANXHELO	EDMOND	ELEZI	UNIVERSITETI I TIRANËS	FAKULTETI HISTORI - FILOLOGJI	Histori	1	Regjistruar
Raundi 1 - Faza 1	112232800007	ARDIT	ISMET	GJELI	UNIVERSITETI I TIRANËS	FAKULTETI HISTORI - FILOLOGJI	Histori	1	Regjistruar

7. Në fund të kësaj faqeje, nëse lëvizni me ashensorin vertikal djathtas, shfaqet pamja e mëposhtme e cila ju jep mundësinë të shfaqni dhe pjesën tjetër të listës së fituesve të këtij programi studimi, të paraqitura në faqet 2,3,4,5,6, ... :

Raundi 1 - Faza 2	113825800475	AURELA	SAHIT	SYLAJ	UNIVERSITETI I TIRANËS	FAKULTETI HISTORI - FILOLOGJI	Histori	3	Regjistruar
Raundi 1 - Faza 2	112526500103	AURORA	GEZIM	AJAZI	UNIVERSITETI I TIRANËS	FAKULTETI HISTORI - FILOLOGJI	Histori	4	Regjistruar
Raundi 1 - Faza 2	112133900024	BENARD	BASHKIM	TOBLI	UNIVERSITETI I TIRANËS	FAKULTETI HISTORI - FILOLOGJI	Histori	1	Regjistruar
Raundi 1 - Faza 1	111939400325	BERBIS	AGRON	ISLAMI	UNIVERSITETI I TIRANËS	FAKULTETI HISTORI - FILOLOGJI	Histori	1	Regjistruar
Raundi 1 - Faza 1	113825800225	BLERINA	BAJRAM	MUSTAFAJ	UNIVERSITETI I TIRANËS	FAKULTETI HISTORI - FILOLOGJI	Histori	1	Regjistruar
Raundi 1 - Faza 2	111939100335	BLERINA	VAIT	KANINI	UNIVERSITETI I TIRANËS	FAKULTETI HISTORI - FILOLOGJI	Histori	2	Regjistruar
Raundi 1 - Faza 1	112327900017	BRUNILDA	FERDINANT	MALSHI	UNIVERSITETI I TIRANËS	FAKULTETI HISTORI - FILOLOGJI	Histori	1	Regjistruar
Raundi 1 - Faza 2	113440900182	DEMIR	ZANO	ÇULLI	UNIVERSITETI I TIRANËS	FAKULTETI HISTORI - FILOLOGJI	Histori	10	Regjistruar
Raundi 1 - Faza 1	112922400010	DENISA	ARJAN	HALIMI	UNIVERSITETI I TIRANËS	FAKULTETI HISTORI - FILOLOGJI	Histori	1	Regjistruar
Raundi 1 - Faza 1	112829100035	DILË	NDUE	VATA	UNIVERSITETI I TIRANËS	FAKULTETI HISTORI - FILOLOGJI	Histori	2	Regjistruar

8. Për lehtësi kërkimi sugjerohet që të mos lëvizim me ashensor, apo nga faqja në faqe, por të përdorim opsionin **Kërko** me anën e Emrit, Atësisë, Mbiemrit. Për këtë qëllim plotësohen fushat e emrit, atësisë dhe mbiemrit (por jo detyrimisht të treja) me të dhënat e kandidatit që dëshiron të regjistrohet dhe klikohet te butoni **Kërko**, si më poshtë:

Menu
Raporte
Konkurse ▶
Fakultete ▶

Lista e Fituesve

Emri:
 Atësia:
 Mbiemri:

Faza	ID	Emri	Atësia	Mbiemri	Universiteti	Fakulteti	Program Studimi	Prioriteti	
Raundi 1 - Faza 1	111939800129	XHULJANA	YLLI	GJOSHI	UNIVERSITETI I TIRANËS	FAKULTETI HISTORI - FILOLOGJI	Histori	1	Regjistrohu

9. Nëse Butoni “Regjistrohu” është i ngjyrosur me blu, kjo tregon që studenti nuk është regjistruar më parë. Sekretarja klikon mbi këtë buton për të bërë regjistrimin e studentit. Në rastin kur butoni “Regjistrohu” është i ngjyrosur me të zezë, ai nuk është aktiv dhe kjo tregon që kandidati është regjistruar më parë në sistem në mjedise jashtë fakultetit. Në këtë rast sekretarja nuk mund ta regjistrojë sërish kandidatin.
10. Pas klikimit të butoni “Regjistrohu” shfaqet dritarja e mëposhtme që kërkon konfirmimin e sekretares për regjistrimin e studentit.



11. Pas konfirmimit me anë të klikimit mbi butonin **OK**, shfaqet dritarja e mëposhtme:

KRYESORE MATURA UDHËZIME DHE FORMULARË PROGRAME ORIENTUESE TESTE PËRGATITORE VITET MË PARË

Perdoruesi: UT.001 | Dil | Ndrysho fjalekalim

Menu
Raporte
Konkurse ▶
Fakultete ▶

Dalje nga Gara

Do te vazhdoni konkurimin per preferencat me ta larta, apo konfirmoni regjistrimin perfundimtar ne preferencen e fituar?

Vazhdoj konkurimin per nje preference me te larte Konfirmoj regjistrimin perfundimtar ne preferencen e fituar

Dil nga faqja

Preferenca	Program Studimi	Piket
1	Histori	5,119.80
2	Gjeografi	5,119.80
3	Punë Sociale	5,119.80
4	Filozofi	5,119.80
5	Inxhinieri Matematike dhe Informatike	4,481.50
6	Teknologji Informatikoni dhe komunikimi	4,481.50
7	Administrim dhe Punë Sociale	5,119.80
8	Infermieri e Përgjithshme	3,751.00
9	Gazetari	5,119.80
10	Sociologji	5,119.80

12. Në këtë moment sekretarja pyet kandidatin nëse dëshiron të vazhdojë konkurrimin në fazën e dytë për ngritje në preferencat më të larta të tij të përzgjedhura në formularin A2. Në rast përgjigje pozitive, përzgjidhet opsioni “Ruaj”.

13. Në rastin kur kandidati shpreh dëshirën që të ndërpresë konkurrimin për të mbetur i regjistruar në preferencën në të cilën u shpall fitues në listën paraprake të fituesve, kandidati, firmos së bashku me sekretaren në listën e konfirmimit të regjistrimeve të kandidatëve fitues të fazës së parë. Në vijim, klikohet mbi opsionin **“Konfirmoj regjistrimin përfundimtar në preferencën e fituar”** dhe më pas tek butoni **“Ruaj”** (shih dritaren e mëposhtme). Sekretaria mësimore pajis kandidatin me fletë regjistrimi ku shënohet numri i regjistrimit, emri i kandidatit, si edhe data dhe ora e regjistrimit, si dhe merr një deklaratë të kandidatit që tërhiqet nga gara për vendet e mbetura bosh të kandidatëve fitues të cilët nuk kanë kryer regjistrimin online. Fleta e regjistrimit e vulosur duhet të jetë e nënshkruar nga dekani dhe kryesekretarja mësimore e fakultetit. Gjithashtu, Në fletët e regjistrimit dhe në regjistrat e konfirmimit duhet të paraqiten data dhe ora e regjistrimit. Ky kandidat mbetet fitues në programin e regjistrimit të shpallur në fazën e parë.

Perdoruesi: UT.001 | DII | Ndrysho fjalekalim

Menu
 Raporte
 Konkurse ▶
 Fakultete ▶

Dalje nga Gara

Do te vazhdoni konkurimin per preferencat me ta larta, apo konfirmoni regjistrimin përfundimtar ne preferencën e fituar?

Vazhdoj konkurimin per nje preference me te larte

Konfirmoj regjistrimin përfundimtar në preferencën e fituar

Dii nga faqja

Preferenca	Program Studimi	Piket
1	Histori	5,119.80
2	Gjeografi	5,119.80
3	Punë Sociale	5,119.80
4	Filozofi	5,119.80
5	Inxhinieri Matematike dhe Informatike	4,481.50
6	Teknologji Informatikimi dhe komunikimi	4,481.50
7	Administrim dhe Punë Sociale	5,119.80
8	Infermieri e Përgjithshme	3,751.00
9	Gazetari	5,119.80
10	Sociologji	5,119.80

14. Në listat duhet të firmosë për çdo regjistrim sekretarja dhe studenti i regjistruar dhe më pas çdo fletë e listës të firmoset dhe vuloset nga dekani i fakultetit.
15. Regjistrimi me listat përfundimtare kryhet vetëm pranë sekretarive mësimore nga data 15 shtator 2015 deri më 19 shtator 2015, kur kandidatët e shpallur fitues me listat përfundimtare të paraqiten pranë sekretarive mësimore për dorëzimin e dokumentacionit dhe regjistrimin përfundimtar në programin e studimit ku janë shpallur fitues.

Shtojca nr. 3

Datë: _____. _____. 2015

UNIVERSITETI _____

FAKULTETI _____

PROGRAMI I STUDIMIT _____

Të dhënat e kandidatit:

Emri _____

Atësia _____

Mbiemri _____

DEKLARATË

Deklaroj në përgjegjësinë time personale se dëshiroj të mbetem në këtë program studimi, duke hequr dorë nga e drejta e vazhdimit të garës në fazat e mëtejshme të konkurrimit.

Kërkoj të paisem me vërtetim të regjistrimit përfundimtar.

Emër

Mbiemër

Firmë

(emri të shkruhet me dorë nga vetë kandidati)

Shtojca nr. 4

DEKLARATË

Unë i nënshkruari _____, lindur më _____,
me kartë identiteti, pasaportë nr. _____,

1. Autorizoj Institucionin e Arsimit të Lartë _____, Ministrinë e Arsimit dhe Sportit dhe Agjencinë Kombëtare të Provimeve, për trajtimin e të dhënave të mia personale në kuadër të aplikimit dhe regjistrimit për vazhdimin e studimeve universitare në Institucionin e sipërcituar, si dhe publikimin eventual të tyre.
Autorizoj, gjithashtu Ministrinë e Arsimit dhe Sportit dhe Agjencinë Kombëtare të Provimeve, për kryerjen e të gjitha verifikimeve dhe marrjen e të gjitha informacioneve që lidhur me: studimet universitare ku kam aplikuar për t'u regjistruar, periudhën e studimeve të kryera më parë dhe çdo lloj verifikimi tjetër që lidhet me sa më sipër.
2. Deklaroj se nuk kam aplikuar për t'u regjistruar në asnjë institucion tjetër të arsimit të lartë, për vitin akademik 2015-2016.
3. Deklaroj se nuk po ndjek ndonjë program tjetër studimi në institucione të tjera të arsimit të lartë, dhe se nuk do të ndjek njëkohësisht një program tjetër studimi, deri në përfundimin e programit të studimit ku po aplikoj.
4. Deklaroj vërtetësinë e të dhënave dhe dokumenteve të paraqitura. Jam i vetëdijshëm se, në rast deklarimi të të dhënave të pavërteta apo të paraqitjes së dokumenteve të falsifikuara apo me të dhëna jo të vërteta, jam subjekt i masave të parashikuara në Kodin Penal dhe aktet e tjera ligjore dhe nënligjore në fuqi. Në rast dyshimi për vërtetësinë e informacionit të deklaruar, Ministria e Arsimit dhe Sportit dhe/ose Agjencia Kombëtare e Provimeve dhe/ose IAL-ja nisin procedurën e kontrollit të tyre duke ia përcjellë këto të dhëna eventalisht edhe organeve kompetente.

Emër, Atësi, Mbiemër i kandidatit

Firma

Vendi: _____

Emër, Mbiemër i punonjësit të sekretarisë mësimore

Firma

Data: ____ . ____ . _____